



Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

**Komisija za izbor i imenovanja
i administrativna pitanja**

Broj: 01-04-13-2/26

Sarajevo, 19.02.2026.godine

**SKUPŠTINA KANTONA SARAJEVO
ZASTUPNICIMA/POSLANICIMA**

Predmet: Prijedlog Odluke o prihvatanju ostavke premijera i razrješenju Vlade Kantona Sarajevo, dostavlja se

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 19.02.2026. godine, u skladu sa članom 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) utvrdila je prijedlog Odluke o prihvatanju ostavke premijera i razrješenju Vlade Kantona Sarajevo, koji vam uz ostavku zajedno sa mišljenjem Komisije za izbor i imenovanja i administrativna pitanja, u skladu sa članom 202. Poslovnika Skupštine Kantona Sarajevo, dostavljamo na razmatranje i odlučivanje.

S poštovanjem,



PREDSEDavajući KOMISIJE

Mvedin Okerić



Dostaviti:

- naslovu,
- a/a.





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu čl. 12. i 13. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14-Ispravka) i čl. 117., 119. i 202. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) Skupština Kantona Sarajevo, na ... sjednici održanoj dana .2026. godine, donijela je

PRIJEDLOG

**ODLUKU
O PRIHVATANJU OSTAVKE PREMIJERA I RAZRJEŠENJU VLADE
KANTONA SARAJEVO**

I

Prihvata se ostavka Uk Nihada na funkciju premijera Kantona Sarajevo, podnesena dana 16.02.2026. godine.

II

Razrješava se Vlada Kantona Sarajevo u sastavu:

Nihad Uk, premijer

1. Darja Softić Kadenić, ministrica pravde i uprave,
2. Enis Hasanović, ministar zdravstva,
3. Mladen Pandurević, ministar komunalne privrede, infrastrukture, prostornog uređenja, građenja i zaštite okoliša,
4. Adnan Šteta, ministar saobraćaja,
5. Enda Pavić Pečenković, ministrica za rad, socijalnu politiku, raseljena lica i izbjeglice,
6. Admir Katica, ministar unutrašnjih poslova,
7. Zlatko Mijatović, ministar privrede,
8. Naida Hota-Muminović, ministrica za odgoj i obrazovanje,
9. Dušanka Bošković, ministrica za nauku, visoko obrazovanje i mlade,
10. Kenan Magoda, ministar kulture i sporta,
11. Afan Kalamujić, ministar finansija i
12. Omer Osmanović, ministar za boračka pitanja.

III

Premijer i Vlada Kantona Sarajevo u ostavci će obavljati sve poslove iz svoje nadležnosti, u skladu sa ustavom i zakonom, do dana potvrđivanja Vlade u novom sazivu.

IV

Ova odluka stupa na snagu danom donošenja i objavit će se u „Službenim novinama Kantona Sarajevo“.

Broj:01-04- /26
2026. godine
S A R A J E V O

PREDSJEDAVAJUĆI
SKUPŠTINE KANTONA SARAJEVO
Elvedin Okerić



OBRAZLOŽENJE

I PRAVNI OSNOV

Pravni osnov za donošenje Odluke o prihvatanju ostavke premijera i razrješenju Vlade Kantona Sarajevo sadržan je u:

- članu 12. Zakona o Vladi Kantona Sarajevo («Službene novine Kantona Sarajevo» br. 36/14 – Novi prečišćeni tekst i 37/14-Ispravka) kojim je propisano: “Premijer i članovi Vlade mogu podnijeti ostavku. Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici. Kad premijer podnese ostavku, smatra se da su ostavku podnijeli svi članovi Vlade.”

- članu 13. Zakona o Vladi Kantona Sarajevo, koji propisuje: “Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 10. stav (2) ovog Zakona.”.

- članu 117. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24): „Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta”;

- članu 119. Poslovnika Skupštine Kantona Sarajevo: „Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova. Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.”;

- članu 202. Poslovnika Skupštine Kantona Sarajevo: „Kada lice koga bira ili imenuje Skupština podnese ostavku, predsjedavajući o tome obavještava Komisiju za izbor i imenovanje i administrativne poslove, koja o tome izrađuje pisano mišljenje. Ostavka se zajedno sa mišljenjem dostavlja svim poslanicima. Nakon razmatranja ostavke, Skupština će odlučiti da li će je uvažiti ili ne. Ukoliko je uvaži, Skupština razrješava lice koje je izabrala odnosno imenovala. Ukoliko ocijeni da postoje razlozi za utvrđivanje odgovornosti, provešće postupak za smjenjivanje lica koje je izabrala odnosno imenovala.”.

II RAZLOZI ZA DONOŠENJE

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 19.02.2026.godine, razmatrala je ostavku premijera Kantona Sarajevo Uk Nihada podnesenu dana 16.02.2026. godine, u kojoj se navodi: “Imajući u vidu tragičnu tramvajsku nesreću od 12.02.2026. godine, cijeneći glas građana, naročito mladih, koji su reagovali na smrtno stradanje mladića i djevojke za čiji se oporavak svi mole, ali i protiv same Vlade kojom predsjedavam, postupajući temeljem odredbi Zakona o Vladi Kantona Sarajevo (“Službene novine Kantona Sarajevo”, broj: 36/14 - Novi prečišćen tekst i broj: 37/14 - Ispravka), podnosim ostavku kako bi se započelo sa imenovanjem novog saziva Vlade Kantona Sarajevo.”.

Shodno navedenom, postupajući na osnovu člana 202. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), Komisija za izbor i imenovanja i administrativna



pitanja Skupštine Kantona Sarajevo izradila je pisano Mišljenje kojim se prihvata ostavka premijera Kantona Sarajevo i u skladu sa članom 37. Poslovnika Skupštine Kantona Sarajevo Komisija je utvrdila prijedlog Odluke o prihvatanju ostavke premijera i razrješenju Vlade Kantona Sarajevo. Mišljenje Komisije za izbor i imenovanja i administrativna pitanja zajedno sa ostavkom i prijedlogom Odluke o prihvatanju ostavke premijera i razrješenju Vlade Kantona Sarajevo, dostavlja se Skupštini Kantona Sarajevo na razmatranje i odlučivanje.

III FINANSIJSKA SREDSTVA

Za provođenje ove odluke nisu potrebna dodatna finansijska sredstva iz Budžeta Kantona Sarajevo.





**Komisija za izbor i imenovanja
i administrativna pitanja**

Broj: 01-04-13-2/26

Sarajevo, 19.02.2026. godine

**ZASTUPNICIMA/POSLANICIMA
U SKUPŠTINI KANTONA SARAJEVO**

Predmet: Mišljenje Komisije za izbor i imenovanja i administrativna pitanja, dostavlja se

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 19.02.2026. godine, razmatrala je ostavku premijera Kantona Sarajevo Uk Nihada.

Na osnovu čl. 37. i 202. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-ispravka i 47/24) komisija daje sljedeće:

M I Š L J E N J E

- prihvata se ostavka premijera Kantona Sarajevo Uk Nihada.


Mišljenje Komisije za izbor i imenovanja i administrativna pitanja zajedno sa ostavkom premijera Kantona Sarajevo, dostavlja se na nadležno postupanje Skupštini KS, u skladu s odredbama Poslovnika Skupštine Kantona Sarajevo.



Dostaviti:
- naslovu,
- a/a.

SKUPŠTINA KANTONA SARAJEVO

n/r Elvedina Okerića, predsjedavajući



U skladu sa članom 12. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćen tekst i broj: 37/14 - Ispravka), *podnosim*

OSTAVKU


Na poziciju premijera Kantona Sarajevo.

Obrazloženje

Imajući u vidu tragičnu tramvajsku nesreću od 12.02.2026. godine, cijeneći glas građana, naročito mladih, koji su reagovali na smrtno stradanje mladića i djevojke za čiji se oporavak svi mole, ali i protiv same Vlade kojom predsjedavam, postupajući temeljem odredbi Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćen tekst i broj: 37/14 - Ispravka), *podnosim ostavku* kako bi se započelo sa imenovanjem novog saziva Vlade Kantona Sarajevo.

Poruka i volja građana važnija mi je od lične funkcije te je izbor između njihove hrabrosti i vlastite pozicije jasan. Smatram da sam posao obavljao časno i pošteno, polazeći od uvjerenja da odgovornost treba preuzimati i kada se dobije funkcija i kada preuzimanje odgovornosti može vratiti povjerenje u sistem. Prethodnih dana radio sam danonoćno, na mjestu tragedije, u bolnici i u Vladi, te ću nastaviti i dalje davati sve od sebe kako bi se saznala istina, preuzela odgovornost i vratila vjera u sistem koji mora biti transparentan, pravedan i siguran. Kao prvi čovjek Vlade Kantona Sarajevo želim da ljudi širom Bosne i Hercegovine shvate da imaju moć promjene, da ih vlasti slušaju i čuju i da će učiniti sve da građani sistem doživljavaju kao vlastitu kuću o čijoj sudbini ravnopravno odlučuju. Preuzimam odgovornost, te ću nastaviti da vodim procese dok se ne imenuje novi premijer Kantona Sarajevo.

Cijeneći navedeno, dostavljam ostavku kako bi se ista u skladu sa odredbama Zakona i Poslovnika Skupštine Kantona Sarajevo ("Službene novine Kantona Sarajevo", broj 41/12, 15/13, 47/13, 47/15, 48/16, 9/20, 14/20, 16/22) stavila u skupštinsku proceduru bez odlaganja.



Dostaviti:

1. Naslovu,
2. a/a.